

Fan Lauxsae—Boux Ceiq Gyaеundeі Ndawsim Gou

范老师——我心中的“美人”

Gou raen Fan lauxsae boux hozunq lumj meh gou nei gig “gyaeundeі”.

Naeuz Fan lauxsae “gyaeundeі”, daih’it dwg de daenj buh gig gyaеundeі.

Mwh mwngz ginggvaq gyaуyoz-louz, yawj aen suenva doiqnaj conghecueng haenx seiz, mwngz cungj naengz yawjraen dah sau gyaеundeі he, daenj vunj raez moqsien, gwnz gyaеuj aeu fag geb gyaеuget he geb byoem, riuj aen daeh iq gyaеundeі he, cwxcaih dwk youz henz suen, boux haenx, couhwdg boux lauxsae unqswnh dou Fan lauxsae.

Fan lauxsae mboujdanh ndang-daenj gyaеundeі, gij doxgaiq de guh hix gig gyaеundeі.

Youq ndaw fwngz de, gij gebbyoem guh dwk iqet gyaеuget dwggyaez, gij ceij miz saek haenx, gij cageouz haenx, gij mae haenx, youq ndaw fwngz de cungj naengz bienq

baenz gij doxgaiq gyaеundeі hawj mwngz doeksaet.

Yaek gangj gij ceiq gyaеundeі Fan lauxsae, lij dwg “sim gyaеundeі”.

Moix singhgiz singhgiz sam, miz dangz goq lienh doenghfwngz he, dangz goq haenx cungj dwg dangz goq gou ceiq muengh, aenvih, gou mboujdan naengz youq dangz goq neix hag ndaej haujlai doxgaiq, lij naengz raen Fan lauxsae, ndigah gou cungj gig simhai.

Muengh ha muengh, youh muengh daengz singhgiz sam lo, gou daiq gak cungj mae, caizliuh, angqfwtfwt buet bae veiyisiz, ciengj ndaej aen dieгнаengh baiz dangqnaj he, naengh maenhswwsg, hainduj guh “mad lwgnyez”, Fan lauxsae hozraez dwk son: “Sien hot gyaеujmae, seizbienh ra conghe he con haeujbae, beng daengz gyaеuj, yienzhaeuh ciuq gij yiengh mad hainduj nyib.” “Yawj cingcuq caengz, gou caiq guh mbat he

hawj sou yawj.” De naihsim dwk son. Yaek hainduj guh lo, Fan lauxsae siujsim dwk dawz cim caeuq mae okdaeuj, laebdaeb son, lij daegbied daezsingj naeuz: “Lijmiz, nyib daengz gyaеujmad seiz, geiq ndaej aeu lai nyib geij baez, nyib baez ndeu nyib mbouj maenh law, dingq rox caengz?” “Mingzbeq lo!” Dou saenqsim cibcuk, hainduj guh hwnjdaeuj, yaep he, gou couh bungz daengz aen youh aen vwndiz, yaep he dwg mae cug hot lo, yaep he mae gveuj lo, yaep he nyib loek lo……Moix aen vwndiz, Fan lauxsae cungj fwngz gaem fwngz son gou, gou cimyawj faj naj gyaеundeі Fan lauxsae: Laj bwnda goengq-gedged haenx, fouq lwgda ndongq-rikrik, giuzndaeng sangmoj, naeng-bak hoengzfedfed, yawj naj de caem-dingh youh gyaеundeі…… Doeklaeng gou caen nyib ndei gouh mad haenx lo.

Gij gyaеundeі Fan lauxsae, dwg



doz swgliu

yienghhaenx doenghvunz, dwg yienghhaenx hawj gou mwhmwh geiq ndaej! Lauxsae ha, gij sienhsoh mwngz, yaek ciengxlwenx youq ndaw sim gou!

(roek nienzgaep Cangh Goh)

Gij Gyaеz Daxboh Dwg Aenmbwn 爸爸的爱是天空

Gou dwg duz roeg iq he, gij gyaеz daxboh dwg aenmbwn, gou youq ndaw gyaеz daxboh mbe fwed mbin; gou dwg duz bya iq he, gij gyaеz daxboh dwg aenhajj, gou youq ndaw haij youzlangh.

Daxboh gou dwg goeng lauxsae bingzciengz he, hoeng youq ndawsim gou boh gou dwg gwnz biengz boux boh ceiq hungmbwk he.

Geiq ndaej miz bi he seizdoeng, gou bae hagdangz seiz mbouj daenj buhgoeb, nit dwk saenzdedded, gou nu fwngz dwk ienqhoij mbouj dingq vah daxmeh. Seizneix dingq Vuz Veihveih naeuz: “Maj Funggiz, boh mwngz daeuj lo!” Gou byaij ok gyausiz, cijraen boh gou riunyumnyum, ndaw fwngz dawz geu buhgoeb he, naeuz: “Daeuj, vaiq daenj buhgoeb.” Gou daenj buhgoeb le, raeuj lai lo, ndawsim engq dwg raeujrubrub, daxboh naeuz: “Baezlaeng aeu geiq ndaej lo.” Gou riu dwk ngaek gyaеujdwd. Ma daengz ranz, daxmeh dingqnaeuz gou mbouj daenj buhgoeb bae hagdangz, couh ndaq gou, cingq yaek moeb gou seiz, daxboh riuhehe byaij gvaqdaeuj, naeuz: “Lwgnyez mbouj roxsoq, suenq lo.” Gou yawj daxboh, gig docih de, daxboh couhwdg yienghneix hozunq son gou.

Lijmiz baez ndeu, gou youq rog guh saeh loek, ma ranz lij yaеuh daxmeh dem, daxmeh naeuz gou hawj gou hawj najhoengz, daejsoebsoeb. Daxboh raen le gipmuengz bang gou uet raemxda, caeuq gou gangj dauhleix, lij naeuz daxmeh: “Ndaq lwg hoenx lwg mbouj son ndaej lwgnyez ndei ne, aeu gangj dauhleix hawj gyoengqde. Gyoengqde lij iq ne.” Daxboh gangj haujlai dauhleix hawj gou, gou simfug nyinh loek lo.

Gou ngoenz hung gvaq ngoenz, roxyiuj aeu docih bohme. Gou rox mwh bohme baegnaiq seiz daek cenj caz he hawj gyoengqde; gwn ngaiz sat le, hawj bohme yietnaiq, gou swiq duix.

Gou miz boux daxboh ndei ndeu, de hawj gou rox gijmaz dwg gyaеz. Gou youq ndaw gyaеz majhung, ndawsim miz aen daeng he rongh dwk, ciuqrongh diuzroen ciuhvunz gou.

(ngeih nienzgaep Maj Funggiz)

Yahdaiq Bingh Lo

外婆生病了



Daxmeh naeuz hawj gou gvaq: Danghnaeuz daxmeh mbouj youq ranz, mwngz raen dungxiek, couh aeu swheij hag cawj haeux, cauq byaek, mboujnex, caj mwngz majhung, lienz haeux cungj mbouj miz gwn!

Naemj daengz coenz vah neix le, gou gamjdaengz miz di najnyaenq, couh hainduj doenghfwngz guhhong hwnjdaeuj, gou sien dawz byaek cuengq gwnz heng, yienzhaeuh dauqgeix gij yiengh daxmeh cawj byaek haenx, gvaek gvaek gvaek ronq byaek, seizneix gou youh siengj hwnj gawq vah he: Danghnaeuz mwngz mbouj guhhong, couh mbouj miz souhaeuj, danghnaeuz mwngz mbouj yungh fwngz guhhong, yienghhaenx mwngz daengzcog couh mbouj miz duix haeux gwn!

Gawq vah neix hawj gou rox bien govwnz seiq nienzgaep cek gwnz 《Vuenyungz Dwg Gijmaz》.

Yaep he, gou hainduj cawj haeux lo, gou doq cawj haeux doq ronq byaek, yienzhaeuh ronq nohmou…… Gyoengq baengzyoux aeu geiq ndaej bw, mbouj naengz mbouj guh hong gwn ndwi! Aeu swheij doenghfwngz cawj doxgaiq cij ndaej gwn!

Gvaq le seiqcib faen cung, haeux cug lo, byaek hix cug lo, rangfwtfwt sawj gou myaiz cungj rih lo……

Daxmeh dauqma le, gou naeuz hawj daxmeh nyi gou gag cawj gwn, daxmeh haenx gou dwg boux baengh swheij guhhong gwn he.

(seiq nienzgaep Vangz Vazveiz)



Daxboh benz bya
Cungj dwg ngaem gyaеuj benz hwnjbae
Gou doiq daxboh miz yigen
De gaenbonj mbouj mingzbeq
Lumj gou caeuq daxmeh cungj vunz-neix
Benz bya couhwdg guhcaemz
Gip makcoengz, gip mbawfaex loenq mbaet foh'em
Yawj fwj youq gwnzmbwn byaijdoengh
Dingq gij sing rumz ndaw ndoeng faexcuk
Gyoengq vunzhung sou geiq ndaej lo
Benz bya mbouj dwg cij benz doxhwnj
Mbouj dwg ok hanh
Benz bya dwg guhcaemz

(Dietdouz)

Benz Bya

爬山